

全上古三代秦漢三國六朝文

全三國文卷二十七

烏程嚴可均校輯

魏二十七

劉惔

惔字子揚，淮南成德人。光武子阜陵王延之後。曹公辟爲倉曹掾，轉主簿，遷行軍長史，兼領軍。文帝受禪，進侍中，賜爵關內侯。明帝卽位，進封東亭侯。後言疾爲太中大夫，轉大鴻臚，復遜位爲太中大夫。卒，諡曰景侯。

議追尊宜不過高皇疏

聖帝孝孫之欲褒崇先祖，誠無量已。然親疏之數，遠近之降，蓋有禮紀所旨，割斷私情，克成公法，爲萬世式也。周王所旨，上祖后稷者，旨其佐唐有功，名在祀典，故也。至于漢氏之初，追諡之義，不過其父。上比周室，則大魏發迹，自高皇始。下論漢氏，則追諡之禮，不

及其祖此誠往代之成法當今之明義也陛下孝思中發誠無已
已然君舉必書所目慎于禮制也陛下思已爲追尊之義宜齊高皇
而已魏志劉曄傳
通典七十二

遺魯肅書

方今天下豪傑竝起吾子姿才尤宜今日急還迎老母無事滯于
東城近鄭寶者今在巢湖擁眾萬餘處地肥饒廬江間人多依就
之況吾徒乎觀其形勢又可博集時不可失足下速之魏志魯肅傳

滿寵

寵字伯寧山陽昌邑人少爲郡督郵曹公辟從事又辟署西曹
屬除許令遷汝南太守從平荊州還行奮威將軍屯當陽復召
爲汝南太守賜爵關內侯屯樊城封安昌亭侯文帝時拜揚武
將軍更拜伏波將軍封南鄉侯遷前將軍明帝時進封昌邑侯
領豫州刺史代曹休都督揚州拜征東將軍景初中徵爲太尉

正始三年卒。諡曰景侯。

重請合肥移城表

孫子言兵者詭道也。故能而示之曰弱，不能驕之曰利。示之曰懼，此爲形實不必相應也。又曰：善動敵者形之，今賊未至而移城卻內，此所謂形而誘之也。引賊遠水，擇利而動，舉得于外，則福生于

內矣。

魏志滿流傳

請備無疆口疏

曹休雖明果而希用兵，今所從道背湖旁江，易進難退，此兵之窪地也。若入無疆口，宜深爲之備。

魏志滿流傳

請合肥移兵更立城疏

合肥城南臨江湖，北遠壽春，賊攻圍之，得據水爲勢，官兵救之，當先破賊大輩，然後圍乃得解。賊往甚易，而兵往救之甚難，宜移城內之兵，其西三十里有奇險可依，更立城，固守，此爲引賊平地。

而倚其歸路于計爲便

魏志滿龍傳

敕諸將

今夕風甚猛賊必來燒軍宜爲其備

魏志滿龍傳

敕雷府長史

若凌欲往迎勿與兵也

魏志滿龍傳

爲王淩報孫布書

太和五年

知識邪正欲避禍就順去暴歸道甚相嘉尚今欲遣兵相迎然計兵少則不足相衛多則事必遠聞且先密計曰成本志臨時節度

其宜

魏志滿龍傳

郭淮

淮字伯濟太原陽曲人建安中舉孝廉除平原府丞遷丞相兵曹議令史從征漢中雷爲夏侯淵司馬淵敗復爲張郃司馬文帝卽王位賜爵關內侯轉鎮西長史行征羌將軍黃初中擢雍

州刺史封射陽亭侯。太和中，加建威將軍、輔揚武將軍。正始中，拜前將軍，進封都鄉侯。嘉平中，遷征西將軍，都督雍涼諸軍事，加車騎將軍，儀同三司，持節，進封陽曲侯。正元二年卒，追贈大將軍，諡曰貞侯。

白司馬宣王書

五子哀母，不惜其身，若無其母，是無五子，無五子亦無淮也。今輒追還，若于法未通，當受罪于主者，觀展在近。魏志郭淮傳注引文何夔

夔字叔龍，陳郡陽夏人。建安初，曹公辟司空掾，出爲城父令，遷長廣太守，徵還，參丞相軍事，尋拜樂安太守，入爲丞相東曹掾。魏國建，拜尚書僕射，遷太僕，文帝受禪，封成陽亭侯，卒，諡曰靖侯。

制新科下州郡上言

自喪亂已來，民人失所。今雖小安，然服教日淺，所下新科，皆曰明罰敕法，齊一大化也。所領六縣，疆域初定，加曰饑饉，若一切齊曰科禁，恐或有不從教者，有不從教者，不得不誅，則非親民設教隨時之意也。先王辨九服之賦，曰殊遠近，制三典之刑，曰平治亂。愚曰爲此郡，宜依遠域新邦之典，其民間小事，使長吏臨時隨宜，上不背正法，下曰順百姓之心。比及三年，民安其業，然後齊之。曰法則無所不至矣。

魏志何夔傳

入爲丞相東曹掾，上言

自軍興，曰來制度草創，用人未詳其本，是曰各引其類，時忘道德。夔聞曰：賢制爵，則民慎德；曰庸制祿，則民興功。曰爲自今所用，必先核之鄉閭，使長幼順敘，無相踰越，顯忠直之賞，明公實之報，則賢不肖之分，居然別矣。又可修保舉，故不曰實之令，使有司別受其負，在朝之臣，時受教與曹並，選者各任其責。上曰：觀朝臣之節。

下曰寒爭競之源曰督羣下曰率萬民如是則天下幸甚魏志何夔傳

楊阜
阜字義山天水冀人建安初爲安定長史去官後辟丞相府州表留參軍事曰平馬超功賜爵關內侯尋爲益州刺史拜武都太守在郡十餘年明帝徵拜城門校尉遷將作大匠

諫治宮室發美女疏

臣聞明主在上羣下盡辭堯舜聖德求非索諫大禹勤功務卑宮室成湯遭旱歸咎責己周文刑于寡妻曰御家邦漢文躬行節儉身衣弋綈此皆能昭令聞貽厥孫謀者也伏惟陛下奉武皇帝開拓之大業守文皇帝克終之元緒誠宜思齊往古聖賢之善治總觀季世放盪之惡政所謂善治者務儉約重民力也所謂惡政者從心恣欲觸情而發也惟陛下稽古世代之初所曰明赫及季世所曰衰弱至于泯滅近覽漢末之變足曰動心誠懼矣曩使桓靈

不廢高祖之法。文景之恭儉。太祖雖有神武。于何所施其能邪。而
陛下何由處斯尊哉。今吳蜀未定。軍旅在外。願陛下動則三思。慮
而後行。重慎出入。曰往鑒來。言之若輕。成敗甚重。頃者天雨又多。
卒暴。雷電非常。至殺鳥雀。天地神明。曰王者爲子也。政有不當。則
見災譴。克己內訟。聖人所記。惟陛下慮患無形之外。慎萌纖微之
初。法漢孝文。出惠帝美人。令得自嫁。頃所調送小女。遠聞不令。宜
爲後圖。諸所繕治。務從約節。書曰九族既睦。協和萬國。事思厥宜。
曰從中道。精心計謀。省息費用。吳蜀曰定。爾乃上安下樂。九親熙
熙。如此曰往。祖考心歡。堯舜其猶病諸。今宜開大信于天下。曰安
眾庶。曰示遠人。魏志楊
阜傳

伐蜀遇雨上疏

太和四年秋

昔文王有赤鳥之符。而猶日昃不暇食。武王白魚入舟。君臣變色。
而動得吉瑞。猶尚憂懼。況有災異而不戰竦者哉。今吳蜀未平。而

天屢降變，陛下宜深有旨，專精應答，側席而坐，思示遠日德，綴邇
旨儉，開者諸軍始進，便有天雨之患，稽闕山險，旨積日矣，轉運之
勞，擔負之苦，所費旨多，若有不繼，必違本圖，傅曰：見可而進，知難
而退，軍之善政也，徒使六軍困于山谷之間，進無所略，退又不得，
非主兵之道也，武王還師，殷卒旨亡，知天期也，今年凶民饑，宜發
明詔，損膳減服，技巧珍玩之物皆可罷之，昔邵信臣爲少府，于無
事之世，而奏罷浮食，今者軍用不足，益宜節度，魏志楊阜傳

諫帝送葬平原公主疏

文皇帝武宣皇后崩，陛下皆不送葬，所旨重社稷，備不虞也，何至
孩抱之赤子，而可送葬也哉，魏志楊阜傳

諫營洛陽宮殿觀閣疏

堯尚茅茨，而萬國安其居，禹卑宮室，而天下樂其業，及至殷周，或
堂崇三尺，度旨九筵耳，古之聖帝明王，未有極宮室之高麗，旨彫

弊百姓之財力者也。桀作璇室象廊，紂爲傾宮鹿臺，呂喪其社稷，楚靈曰築章華而身受其禍，秦始皇作阿房而殃及其子，天下叛之，二世而滅。夫不度萬民之力，呂從耳目之欲，未有不亡者也。陛下當曰堯舜禹湯文武爲法，則夏桀殷紂楚靈秦皇爲深戒。高高在上，實監后德，慎守天位，呂承祖考，巍巍大業，猶恐失之，不夙夜敬止，尤恭卹民，而乃自暇自逸，惟宮臺是侈，是飾，必有顛覆危亡之禍。易曰：豐其屋，蔀其家，闕其戶，闔其無人。王者呂天下爲家，言豐屋之禍，至于家無人也。方今二虜合從，謀危宗廟，十萬之軍東西奔赴，邊境無一日之娛，農夫廢棄，民有飢色。陛下不呂是爲憂，而營作宮室，無有己時，使國亡而臣可呂獨存，臣又不言也。君作元首，臣爲股肱，存亡一體，得失同之。孝經曰：天子有爭臣七人，雖無道，不失其天下。臣雖驚怯，敢忘爭臣之義，言不切至，不足呂感寤陛下。陛下不察臣言，恐皇祖烈考之祚將墜于地，使臣身死有

補萬一，則死之日猶生之年也。謹叩棺沐浴，伏俟重誅。魏志楊阜傳

讓封關內侯

阜君存無扞難之功，君亡無死節之效，于義當絀，于法當誅。超又

不死，無宜苟爵祿。魏志楊阜傳

應詔議政治不便于民

致治在于任賢，興國在于務農。若舍賢而任所私，此忘治之甚者也。廣開宮館，高爲臺榭，百妨民務，此害農之甚者也。百工不敦其器而競作奇巧，百合上欲，此傷本之甚者也。孔子曰：苛政甚于猛虎。今守功文俗之吏，爲政不通治體，苟好煩苛，此亂民之甚者也。當今之急，宜去四甚，竝詔公卿郡國舉賢良方正敦樸之士而選用之，此亦求賢之一端也。魏志楊阜傳

辛毗

毗字佐治，潁川陽翟人。曹公克鄴，表爲議郎，後爲丞相長史。文

帝初遷侍中，賜爵關內侯。明帝卽位，進封潁鄉侯，尋爲衛尉。青龍中卒，諡曰肅侯。

諫修殿舍疏

竊聞諸葛亮講武治兵，而孫權市馬遼東，量其意指，佞欲相左右，備豫不虞，古之善政。而今者宮室大興，加連年穀麥不收，詩云：民亦勞止，迄可小康，惠此中國，已綏四方。唯陛下爲社稷計。魏志辛毗傳

諫平北芒疏

天地之性，高高下下，今而反之，既非其理，加日損費人功，民不堪役。且若九河盈溢，洪水爲害，而丘陵皆夷，將何日禦之。魏志辛毗傳

奏請宣著符命

魏文類聚題 作勸進表

侍中辛毗、劉惔、散騎常侍傅異、衛臻、尚書令桓階、尚書陳矯、陳羣、給事中博士騎都尉蘇林、董巴等奏曰：伏見太史丞許芝上魏國受命之符，令書懇切，允執謙讓，雖舜禹湯文義無目過，然古先哲

王所曰受天命而不辭者誠急遵皇天之意副兆民之望弗得已

也。蓋文類聚作誠急于答皇天之意副四海之望不得已也。且易曰觀乎天文曰察時變觀乎

人文曰化成天下。又曰天垂象見吉凶聖人則之。河出圖洛出書聖人效之。曰爲天文因人而變至于河洛之書著于洪範則殷周效而用之矣。斯言誠帝王之明符天道之大要也。是曰由德應錄者代興于前失道數盡者迭廢于後傳譏莫弘欲支天之所壞而說蔡墨雷乘乾之說明神器之存亡非人力所能建也。今漢室衰替帝綱墮墜天子之詔歇滅無聞皇天將捨舊而命新百姓旣去漢而爲魏昭然著明是可知也。先王撥亂平世將建洪基至于殿下曰至德當厯數之運卽位曰來天應人事粲然大備神靈圖籍兼仍往古休徵嘉兆跨越前代是芝所取中黃運期姓緯之讖斯文乃著于前世與漢竝見由是言之天命久矣非殿下所得而拒之也。神明之意候望禋享兆民顛顛咸注嘉願惟殿下覽圖籍之

明文急天下之公義，輒宣令內外，布告州郡，使知符命著明，而殿

下謙虛之意。

魏志文帝紀注引獻帝傳辛毗到
陛等奏又略見該文類聚十三

奏事

昔桓階爲尚書令，呂崔林非尚書才，遷呂爲河閒太守。

魏志崔林傳注引魏

名臣奏

改正朔議

魏氏遵舜禹之統，應天順民，至于湯武，呂戰伐定天下，乃改正朔。

孔子曰：行夏之時。左氏傳曰：夏數爲得天正，何必期于相反。

魏志辛毗

傳

高柔

柔字文惠，陳畱園人。高幹從弟。曹公平河北，呂柔爲管長，辟丞

相倉曹屬。魏國建，爲尚書郎，轉丞相理曹掾。遷潁川太守，復還

爲法曹掾。文帝踐阼，爲治書侍御史，賜爵關內侯。遷廷尉。明帝

卽位封延壽侯齊王時轉太常遷司空徙司徒曹爽誅進封
萬歲鄉侯高貴鄉公卽位進封安國侯轉太尉景元四年卒年
九十諡曰元侯

除妖誦賞告之法疏

今妖言者必戮告之者輒賞既使過誤無反善之路又將開囚狴
之羣相誣罔之漸誠非所旨息奸省訟緝熙治道也昔周公作誥
稱殷之祖宗咸不顧小人之怨在漢太宗亦除妖言誹謗之令臣
愚目爲宜除妖誦賞告之法旨隆天父養物之仁

魏志高柔傳

三公希與朝政上疏

天地曰四時成功元首曰輔弼興治成湯杖阿衡之佐文武憑旦
望之力逮至漢初蕭曹之儔竝曰元勳代作心膂此皆明王聖主
任臣于上賢相良輔股肱于下也今公輔之臣皆國之棟梁民所
具瞻而置之三事不使知政遂各偃息養高鮮有進納誠非朝廷

崇用大臣之義，大臣獻可替否之謂也。古者刑政有疑，輒議于槐棘之下。自今之後，朝有疑議，及刑獄大事，宜數日咨訪三公。三公朝朔望之日，又可特延入講論得失，博盡事情。庶有神起天聽，弘益大化。魏志高柔傳

請待博士已不次之位疏

臣聞遵道重學，聖人洪訓。褒文崇儒，帝者明義。昔漢末陵遲，禮樂崩壞，雄戰虎爭，已戰陣為務，遂使儒林之羣幽隱而不顯。太祖初興，愍其如此，在于撥亂之際，竝使郡縣立教學之官。高祖卽位，遂闡其業，興復辟雍，州立課試，于是天下之士復聞庠序之教，親俎豆之禮焉。陛下臨政，允迪窈哲，敷弘大猷，光濟先軌。雖夏啟之承基，周成之繼業，誠無已加也。然今博士皆經明行修，一國清選，而使遷除限不過長，懼非所自。崇顯儒術，帥勵怠墮也。孔子稱舉善而教不能則勸，故楚禮申公，學士銳精，漢隆卓茂，縉紳競慕。臣已

爲博士者道之淵藪六藝所宗宜隨學行優劣待目不次之位敦
崇道教。曰勸學者。于化爲弘。魏志高柔傳

諫大興殿舍廣采眾女疏

二虜狡猾潛自講肄謀動干戈未圖束手宜畜養將士繕治甲兵
曰逸待之而頃興造殿舍上下勞擾若使吳蜀知人虛實通謀并
勢復俱送死甚不易也昔漢文惜十家之資不營小臺之娛去病
慮匈奴之害不遑治第之事況今所損者非惟百金之費所憂者
非徒北狄之患乎可祖成見所營立曰充朝宴之儀訖罷作者使
得就農二方平定復可徐興昔軒轅曰二十五子傳佯彌遠周室
曰姬國四十歷年滋多陛下聰達窮理盡性而頃皇子連多天逝
熊羆之祥又未感應羣下之心莫不怛戚周禮天子后妃曰下百
二十人嬪嬙之儀既曰盛矣竊聞後庭之數或復過之聖嗣不昌
始能由此臣愚曰爲可妙簡淑媛曰備內宮之數其餘盡遣還家

且曰育精養神專靜爲寶如此則螽斯之微可庶而致矣魏志高柔傳

諫就獄殺公孫晃疏

書稱用罪伐厥死用德彰厥善此王制之明典也晃及妻子叛逆之類誠應梟縣勿使遺育而臣竊聞晃先數自歸陳淵禍萌雖爲凶族原心可恕夫仲尼亮司馬牛之憂邴奚明叔向之過在昔之美義也臣曰爲晃信有言宜貸其死苟自無言便當市斬今進不赦其命退不彰其罪閉著囹圄使自引分四方觀國或疑此舉也

魏志高柔傳

諫罪殺禁地鹿者疏

聖王之御世莫不曰廣農爲務儉用爲資夫農廣則穀積用儉則財畜畜財積穀而有憂患之虞者未之有也古者一夫不耕或爲之飢一婦不織或爲之寒中間已來百姓供給眾役親田者既減加頃復有獵禁羣鹿犯暴殘食生苗處處爲害所傷不貲民雖障

防方不能禦至如滎陽左右周數百里歲略不收元元之命實可
矜傷方今天下生財者甚少而糜鹿之損者甚多卒有兵戎之役
凶年之災將無以待之惟陛下覽先聖之所念愍稼穡之艱難寬
放民間使得捕鹿遂除其禁則眾庶永濟莫不悅預矣魏志高柔傳臣
竊思陛下所旨不早取此鹿者誠欲使極蕃息然後大取旨爲軍
國之用然臣竊旨爲今鹿但有日耗終無從得多也何旨知之今
禁地廣輪且千餘里臣下計無慮其中有虎大小六百頭狼有五
百頭狐萬頭使大虎一頭三日食一鹿一虎一歲百二十鹿是爲
六百頭虎一歲食七萬二千頭鹿也使十狼日共食一鹿是爲五
百頭狼一歲共食萬八千頭鹿鹿子始生未能善走使十狐一日
共食一子比至健走一月之間是爲萬狐一月共食鹿子三萬頭
也大凡一歲所食十二萬頭其鳴鷄所害臣置不計旨此推之終
無從得多不如早取之爲便也魏志高柔傳注引魏名臣奏案
魏覽九百六引魏名臣奏作郎中

黃觀上疏疑當
時兩人連名

軍士亡勿罪妻子啟

士卒亡軍誠在可疾然竊聞其中時有悔者愚謂乃宜貸其妻子一可使賊中不信二可使誘其還心正如前科固已絕其意望而復重之柔恐自今在軍之士見一人亡逃誅將及已亦且相隨而走不可復得殺也此重刑非所旨止亡乃所旨益走耳

魏志高柔傳

管長教還引去吏

昔邴吉臨政吏嘗有非猶尚容之况此諸吏于吾未有失乎其召復之咸還皆自勵咸爲佳吏

魏志高柔傳

丞相理曹掾令

夫治定之化曰禮爲首撥亂之政曰刑爲先是曰舜流四凶族皋陶作士漢祖除秦苛法蕭何定律掾清識平當明于憲典勉恤之

哉

魏志高柔傳

與婦書

今致瑋瑁梳一枚

文苑英華八百七十四

金鎖一雙

御覽七百十八

孫禮

禮字德達涿郡容城人曹公平幽州召爲司空軍謀掾徙魯相
歷山陽等郡太守明帝時入爲尚書受遺詔拜大將軍長史加
散騎常侍齊王初出爲陽州刺史加伏波將軍賜爵關內侯徵
拜少府出爲荊州刺史遷冀州牧呂奏事忤曹爽劾廢在家期
年除城門校尉出爲并州刺史加拔武將軍使持節護匈奴中
郎將爽誅入爲司隸校尉遷司空封大利亭侯嘉平二年卒諡
曰景侯

清河平原爭界案圖宜屬平原疏

管仲霸者之佐其器猶小猶能奪伯氏駢邑使沒齒無怨言臣受
牧伯之任奉聖朝明圖驗地著之界實臣王翁河爲限而郇呂

馬丹侯爲驗詐。曰：鳴犢河爲界，假虛訟訴，疑誤臺閣，竊聞眾口鑠金，浮石沈木，三人成市虎，慈母投其杼。今二郡爭界八年，一朝決之者，緣有解書圖畫，可得尋案槌校也。平原在兩河向東上，其間有爵隄，爵隄在高唐西南，所爭地在高唐西北，相去二十餘里，可謂長歎息流涕者也。案解與圖奏而郇不受詔，此臣輒弱不勝其任。臣亦何顏尸祿素餐，輒東帶著履，駕車待放。

魏志孫
總傳

賜進士出身。品銜廣東等處提刑按察使司按察使兼管驛傳事務黃岡王毓藻校刊。

全三國文卷二十八

烏程嚴可均校輯

魏二十八

衛覲

覲字伯儒河東安邑人曹公辟爲司空掾除茂陵令再遷至尙書魏國建拜侍中文帝卽王位徙尙書尋還漢朝爲侍郎及受禪復爲尙書封陽吉亭侯明帝時進封閭鄉侯卒諡曰敬侯

爲漢帝禪位魏王詔

朕在位三十有二載遭天下蕩覆幸賴宗廟之靈危而復存然仰瞻天文俯察民心炎精之數旣終行運在乎曹氏是呂前王旣樹神武之績今王又光裕明德已應其期是麻數昭明亦可知矣大人之行天下爲公選賢與能故唐堯不私于厥子而名播于無窮朕羨而慕之今其追踵堯典禪位于魏王

袁宏後漢紀三十一又見魏志文紀注案魏志

衛觀傳云頃之還漢朝勸贊禪代之義爲文詔之詔是獻帝諸將詔皆衛觀作也

乙卯冊詔魏王

惟延康元年十月乙卯皇帝曰咨爾魏王夫命運否泰依德升降
三代卜年著于春秋是曰天命不于常帝王不一姓由來尚矣漢
道陵遲爲日已久安順已降世失其序沖質短祚三世無嗣皇綱
肇虧帝典頽沮暨于朕躬天降之災遭無安厄運之會值炎精幽
昧之期變興輦轂漸由闔宦董卓乘釁惡甚澆豷劫遷省御太僕
宮廂遂使九州幅裂疆敵虎爭華夏鼎沸蝮蛇塞路當斯之時尺
土非復漢有一夫豈復朕民幸賴武王德膺符運奮揚神武芟夷
凶暴清定區夏保乂皇家今王纘承前緒至德光照御衡不迷布
德優遠聲教被四海仁風扇鬼區是曰四方效珍人神響應天之
庥數實在爾躬昔虞舜有大功二十而放助禪曰天下大禹有疏
導之績而重華禪曰帝位漢承堯運有傳聖之義加順靈祇紹天

明命釐降二女已嬪于魏使使持節行御史大夫事太常音奉皇
帝璽綬王其永君萬國敬御天威允執其中天祿永終敬之哉

魏志

文帝紀注
引獻帝傳

壬戌冊詔魏王

皇帝問魏王言遣宗奉庚申書到所稱引聞之朕惟漢家世踰二
十年過四百運周數終行祚已訖天心已移兆民望絕天之所廢
有自來矣今大命有所底止神器當歸聖德違天不順逆眾不祥
王其體有虞之盛德應厯數之嘉會是曰禎祥告符圖讖表錄神
人同應受命咸宜朕畏上帝致位于王天不可違眾不可拒且重
華不逆堯命大禹不辭舜位若夫由卷匹夫不載聖籍固非皇材
帝器所當稱慕今使音奉皇帝璽綬王其陟帝位無逆朕命曰祇
奉天心焉

魏志文帝紀
注引獻帝傳

丁卯冊詔魏王

天訖漢祚，辰象著明，朕祇天命，致位于王，仍陳厥數于詔冊，喻符運于翰墨，神器不可已辭，拒皇位不可已謙讓，稽于天命，至于再三，且四海不可已一日曠主，萬幾不可已斯須無統，故建大業者不拘小節，知天命者不繫細物，是已舜受大業之命，而無遜讓之辭，聖人達節不亦遠乎？今使音奉皇帝璽書，王其欽承，已答天下響應之望焉。

魏志文帝紀注引獻帝傳

庚午冊詔魏王

昔堯已配天之德，乘六合之重，猶視厥運之數，移于有虞，委讓帝位，忽如遺跡。今天既訖我漢命，乃眷北顧，帝皇之業，實有大魏，朕守空名，已竊古義，願視前事，猶有慙德，而王遜位，至于三四，朕用懼焉。夫不辭萬乘之位者，知命達節之數也；虞夏之君，處之不疑，故勳烈垂于萬載，美名傳于無窮。今遣守尚書令侍中覬，喻王其速陟帝位，已順天人之心，副朕之大願。

魏志文帝紀注引獻帝傳

禪位冊

咨爾魏王。昔者帝堯禪位于虞舜。舜亦已命禹。天命不于常。惟歸有德。漢道陵遲。世失其序。降及朕躬。大亂茲昏。羣凶肆逆。宇內顛覆。賴武王神武。拯茲難于四方。惟清區夏。已保綏我宗廟。豈予一人。獲又俾九服。實受其賜。今王欽承前緒。光于乃德。恢文武之大業。昭爾考之弘烈。皇靈降瑞。人神告徵。誕惟亮采。師錫朕命。僉曰。爾度克協于虞舜。用率我唐典。敬遜爾位於戲。天之厯數在爾躬。允執其中。天祿永終。君其祇順大禮。饗茲萬國。已肅承天命。魏志文帝紀又見袁宏後漢紀三十

受禪表

維黃初元年冬十月辛未。皇帝受禪于漢氏。上稽儀極。下攷前訓。書契所錄。帝王遺事。義莫顯于禪德。美莫盛于受終。故書陳納于大鹿。傳稱厯數。口口口口。是已降世。且二百年。幾三千。堯舜之事。復

存于今、允皇代之上儀、帝者之高致也、故立斯表、曰昭德、曰義、焉
皇帝體乾剛之懿、姿紹有虞之黃裔、九德既該、欽明文塞、齊光日
月、材兼三極、及嗣位先皇、龍興饗國、撫柔烝民、化曰醇德、崇在寬
之政、邁愷悌之教、宣重光、曰照下、擬陽春、曰播惠、開禁倉、散滯積、
冢臣、曰、曰、曰、曰、之、錫眾兆、陪臺、蒙調、餼之養、興遺勳、繼絕世、廢
忘之勞、獲金爵之賞、緹縲之孤、食舊德之祿、善無微而不旌、功無
細而不口、口口戎士、哀矜庶獄、罷戍役、焚丹書、囹圄虛靜、外無曠
夫、玄澤雲行、罔不沾渥、若夫覆載簡易、剛柔允宜、乾以之德、陰陽
口口口口口口類育物奮庸造化之道、四時之功也、寬容淵嘿、恩
洽羣黎、皇戲之質、堯舜之姿也、孜孜業業、邁德濟民、伯禹之勞、口
口口口口口叡智神武、料敵用兵、殷湯之略、周發之明也、廣大配天
地、茂德苞眾、聖鴻恩洽于區夏、仁聲播于八荒、雖象豈所口口口
口口口和而來王、是曰休徵、屢集和氣、烟燭上升、乾祉下發、以珍

天闢啟闈，四靈具臻，涌醴橫流，山見黃人，所曰顯受命之口口口口口之期運也，其餘甘露零于豐草，野豷藹于茂樹，嘉禾神芝，奇禽靈獸，窮祥極瑞者，其月之閒，蓋七百餘見，自金天曰口口口口口嘉祥之降，未有若今之盛者也，是曰漢氏視歷數之去已，知神器之有歸，稽唐禪虞，紹天明命，釐嬪二女，欽授天位，皇帝謙退，讓德不嗣，至于再，至于三，于是羣公卿士，僉曰陛下聖德懿侔，兩儀皇符昭晰，受命咸宜，且有熊之興，地出大螻，夏后承統，木榮冬敷，殷湯革命，白狼銜鉤，周武觀口口口口口方之今日，未足曰喻，而猶曰一至之慶，寵神當時，紹天卽祚，負依而治，況于大魏靈瑞若茲者乎，蓋天命不可曰辭，口口口口口曰意距，大統不可曰久曠，萬國不可曰乏主，宜順民神，速承天序，于是皇帝乃回思遷慮，旁觀庶徵，上在璿璣筮之周易，卜曰守龜龜筮襲吉，五反靡違，乃覽公卿之議，順皇天之命，練吉日口口口口口唐典之明憲，遵大鹿之

遺訓遂于繁昌築靈壇設壇宮踣圭璧儲犧牲延公侯卿士常伯
常任納言諸節岳牧邦君虎口口口口匈奴南單于東夷南蠻西
戎北狄王侯君長之羣入自旗門咸旅于位皇帝乃受天子之籍
冠通天襲袞龍穆穆皇皇物有其容上公策祝播燎棫樸告類上
帝望秩五岳煙于六宗徧于羣神口口口晏祥風來臻乃詔有司
大赦天下改元正始開皇綱闡帝載殊徽幟革器械脩廢官班瑞
節同律量衡更姓改物勒崇垂鴻創口作則永保天祿傳之罔極

碑本隸釋十九

案唐韋絢錄劉賓客嘉話魏受禪表王朗文梁

尚書鍾繇鑄字謂之

三絕今據閩人牟準魏敬侯碑陰則受禪表

魏未遺語尤可信也

請恤凋匱罷役務疏

夫變情厲性彊所不能人臣言之既不易人主受之又艱難且人
之所樂者富貴顯榮也所惡者貧賤死亡也然此四者君上之所
制也君愛之則富貴顯榮君惡之則貧賤死亡順指者愛所由來

逆意者惡所從至也。故人臣皆爭順指而避逆意。非破家爲國殺身成君者。誰能犯顏色。觸忌諱。建一言。開一說哉。陛下留意察之。則臣下之情可見矣。今議者多好悅耳。其言政治則比陛下十堯舜。其言征伐則比二虜于狸鼠。臣已爲不然。昔漢文之時。諸侯彊大。賈誼累息已爲至危。況今四海之內。分而爲三。羣士陳力。各爲其主。其來降者。未肯言舍邪就正。咸稱迫于困急。是與六國分治無已爲異也。當今千里無烟。遺民困苦。陛下不善留意。將遂凋弊。難可復振。禮天子之器。必有金玉之飾。飲食之肴。必有八珍之味。至于凶荒。則徹膳降服。然則奢儉之節。必視世之豐約也。武皇帝之時。後宮食不過一肉。衣不用錦繡茵綵。不緣飾器。物無丹漆。用能平定天下。遺福子孫。此皆陛下之所親覽也。當今之務。宜君臣上下並用籌策。計校府庫。量入爲出。深思句踐滋民之術。由恐不及。而尙方所造金銀之物。漸更增廣。工役不輟。侈靡日崇。帑藏日

竭昔漢武信求神仙之道謂當得雲表之露已餐玉屑故立仙掌
已承高露陛下通明每所非笑漢武有求于露而由尙見非陛下
無求于露而空設之不益于好而糜費功夫誠皆聖慮所宜裁制

也

魏志衛
凱傳

公卿將軍奏上尊號

相國安樂鄉侯臣欽太尉都亭侯臣詡御史大夫安陵亭侯臣朗
使持節行都督督軍車騎將軍口口臣仁輔國將軍清苑鄉侯臣
若虎牙將軍南昌亭侯臣輔輕車將軍都亭侯臣忠冠軍將軍好
時鄉侯臣秋渡遼將軍都亭侯臣柔衛將軍國明亭侯臣洪使持
節行都督督軍鎮西將軍東鄉侯臣眞使持節行都督督軍領揚
州刺史征東將軍安陽鄉侯臣休使持節行都督督軍征南將軍
平陵亭侯臣尙使持節行都督督軍徐州刺史鎮東將軍武安鄉
侯臣瓚使持節左將軍中鄉侯臣郃使持節右將軍建鄉侯臣晃

使持節前將軍都鄉侯臣遼使持節後將軍華鄉侯臣靈旬奴南
單于臣泉奉常臣貞郎中令臣洽衛尉安國亭侯臣昱太僕臣夔
大理東武亭侯臣絳大農臣霸少府臣林督軍御史將作大匠干
秋亭侯臣照中領軍中陽鄉侯臣琳中護軍臣陟屯騎校尉都亭
侯臣祖長水校尉關內侯臣凌步兵校尉關內侯臣福射聲校尉
關內侯臣質振威將軍涅鄉亭侯臣題征虜將軍都亭侯臣颺振
武將軍尉猛亭侯臣當忠義將軍樂鄉亭侯臣生建節將軍平樂
亭侯臣圃安眾將軍元就亭侯臣神翼衛將軍都亭侯臣衢討夷
將軍成遷亭侯臣慎懷遠將軍關內侯臣巽綏邊將軍常樂亭侯
臣俊安夷將軍高梁亭侯臣昂奮武將軍長安亭侯臣豐武衛將
軍安昌亭侯臣禧等稽首言臣等前上言漢帝奉天命已固禪羣
臣因天命已固請陛下違天命已固辭臣等頑愚猶知其不可况
神祇之心乎宜蒙納許已福海內欣戴之望而丁卯制書詔臣等

曰：「德則孤不足，已時則虜未滅，若已羣賢之靈，得保首領，終君魏國于孤足矣。」若孤者，胡足已辱四海，至乎天瑞人事，皆先王聖德遺慶，孤何有焉。是已未敢聞命，臣等伏讀詔書，於邑益甚。臣等聞易稱：「聖人奉天時。」而論曰：「君子畏天命，天命有去就，然後帝者有禪代。」是已唐之禪虞，命已。在爾，虞之順唐，謂之受終。堯知天命去已，故不得不禪。舜知厥數在躬，故不敢不受，不得不禪。奉天時也，不敢不受，畏天命也。漢朝雖承季末，陵遲之餘，猶務奉天命，已則堯道，是已願禪帝位而歸二女。陛下正于大魏受命之初，抑虞夏之違節，尚延陵之讓體，所枉者大，所直者小，所詳者輕，所略者重。中人凡士，猶爲陛下陋之，歿者有靈，則重華必忿憤于蒼梧之神墓。大夏必鬱邑于會稽之山陰。武王必不悅于高陵之玄宮矣。是已臣等敢已死諫。且漢政在奄宦，祿去帝室七世矣。遂集矢石于其宮殿，而二京爲之丘墟。當此之時，四海蕩覆，天下分崩。武王

親衣甲而冠白沐雨而櫛風爲民請命則活萬國爲世撥亂則致
升平鳩民而立長築官而置吏元元無過罔于前葉而始有造于
華裔陛下卽位光昭文德曰翊武功勤恤民隱視之如傷懼者盜
之勞者休之寒者已煖飢者已充遠人曰德服寇敵曰恩降邁恩
種德光被四表稽古篤睦茂于放勳因漏吞舟裕于周文是曰布
政未葺人神竝和皇天則降甘露而臻四靈后土則挺芝草而吐
醴泉虎豹鹿菟咸素其色雉鳩燕爵亦白其羽連理之木同心之
瓜五采之魚珍祥瑞物雜選于其閔者無不畢備古人有言微禹
吾其魚乎微大魏則臣等之白骨旣交橫于曠野矣伏省羣臣內
外前後章奏所曰陳敘陛下之符命者莫不條河洛之圖書授天
地之瑞應因漢朝之款誠宣萬方之景附可謂信矣著矣口矣裕
矣高矣矣三王無曰及五帝無曰加民命之懸于魏邦民心之
繫于魏政卅有餘年矣此乃千世時至之會萬載壹週之秋達節

按魏志文帝
私法增舉
作御奉小節

廣度宜昭于斯際，拘攣狹行，不施于此時。久稽天命，罪在臣等。輒
營壇場，具禮儀，擇吉日，口昭告昊天上帝，秩羣神之禮，須禋祭畢，
會羣寮于朝堂，議年號，正朔服色，當所已施行。臣謹拜表朝堂，臣
歆、臣詡、臣朗、臣仁、臣若、臣輔、臣忠、臣秋、臣柔、臣洪、臣真、臣休、臣尚、
臣霸、臣郃、臣晃、臣遼、臣靈、臣泉、臣貞、臣洽、臣昱、臣夔、臣綏、臣霸、臣
林、臣照、臣楙、臣陟、臣祖、臣凌、臣福、臣質、臣題、臣觸、臣當、臣生、臣圃、
臣神、臣衢、臣慎、臣巽、臣俊、臣曷、臣豐、臣褚、臣誠、臣惶、臣懼、臣頓首頓首，死
罪死罪。碑本隸釋十九。魏志文帝紀引獻帝傳。案古文苑問人奉準魏散侯碑陰言羣臣上尊號奏衛凱撰鍾繇書

奏請置律博士

九章之律，自古所傳，斷定刑罪，其意微妙，百里長吏，皆宜知律，刑
法者，國家之所貴重，而私議之所輕賤。獄吏者，百姓之所繫命，而
選用者之所卑下。王政之弊，未必不由此也。請置律博士，轉相教
授。魏志衛凱傳又見晉書刑法志通典一百六十三

奏論賜諡

舊制諸王及列侯薨無少長皆賜諡古之有諡隨行美惡非所已優之又次曰明識昭穆使不錯亂也臣曰爲諸侯王及王子諸公侯薨可隨行跡賜諡其列侯始有功勞可一切賜諡至于襲封者則不賜諡通典一百四

關西議

西方諸將皆豎夫崛起無雄天下意苟安樂目前而已今國家厚加爵號得其所志非有大故不憂爲變也宜爲後圖若曰兵入關中當討張魯魯在深山道徑不通彼必疑之一相驚動地險眾彊殆難爲慮魏志衛覲傳注引魏書司隸校尉鍾繇求曰三千兵入爲云云或曰覲呈太祖太祖初善之而曰繇自典其任遂從繇議

與荀彧書

關中膏腴之地頃遭荒亂人民流入荊州者十萬餘家聞本土安

盜皆企望思歸而歸者無已自業諸將各競招懷已爲部曲郡縣貧弱不能與爭兵家遂彊一旦變動必有後憂夫鹽國之大寶也自喪亂已來放散今宜如舊置使者監賣已其直益市犁牛若有歸民已供給之勤耕積粟已豐殖關中遠民間之必日夜競還又使司隸校尉雷治關中已爲之主則諸將日削官民日盛此彊本弱敵之利也

魏志衛覲傳又見晉書食貨志

西嶽華山亭碑

惟光和元年歲在戊午名曰咸池季冬己巳弘農太守河南河南樊君諱毅字仲德下車之初恭肅神祀西嶽至尊詔書奉祠躬親自往省從勞謙卽事有漸散齋舉亭齋室逼窄郡縣官屬灑齋無處尊卑錯總精誠不固畏天之威逢斯瘴怒時雨不興甘澍弗布念存黔首懼闕曠素于是與令巴郡胸忍先讜公謀圖議繕故斷度擇廡立室異處左右趣之莫不競慕二年正月己卯興就既成有亢

休嘉啟嘏各得竭情福祿是願刻茲碑號吏卒俠路其辭曰
巖巖西嶽五鎮次宗緒德之尊大舉優隆皇帝永思祀典孔明高
神宵宴珪璧贊通赫赫在上已畜萬邦惟嶽降神實生羣公卿士
百辟續業攸蒙帝命不違歲事報功后辟命卿散齋外亭敬恭明
祀已奉皇靈處所逼窄肩窳有聲神樂其靜脩輦無形尊卑有序
絜心致誠因繕舊室整頓端平在其板屋孰不加精天人同道萬
祚是迎既受帝祉延于後生爲龍爲光顯人王庭爲公爲侯福祿
來成刻石紀號永亨利貞府丞勃海劉固叔長功曹史楊儒尊先
主簿湖楊旭伯馮工曹掾楊基伯載史陝許禮文化縣丞隴西彭
和伯怡左尉隴西甄繆叔寧臨典者門下掾口瑗伯先主記史柏
覽文進戶曹掾魏嘗威長史田路文祖將作掾曹鑒孔明任就幼
成史吳武丙昌

隸釋古文苑
曰爲衛觀作

復華下民租田口算狀碑

光和二年十二月庚午朔十三日壬午弘農太守臣毅頓首死罪
上尚書臣毅頓首頓首死罪死罪謹案文書臣去元年十一月
到官其十二月奉祠西嶽峯山省視廟舍及齋衣祭器率皆久遠
有垢故魯不修大室春秋作譏臣曰神嶽至尊宜加恭肅輒遣行
事荀斑與舉陰令先讜曰漸繕治成就之後仍雨甘雪澱潤宿麥
惠滋黎庶臣即日已詔書齋祠雪未消澤時日清和神歡民喜誠
聖朝勞神日昊廣被四表覆毓之德神人被施遐邇大小莫不幸
甚臣毅頓首頓首死罪死罪謹又書言縣當孔道加奉尊嶽一歲
四祠養牲百日常當充肥用穀橐三千餘斛或有請兩齋禱役費
兼倍每被詔書調發無差山高聽下恐近廟小民不堪役賦有飢
寒之寢違宗神之敬乞差諸賦復舉下十里曰內民租田口筭已
寵神靈廣祈多福隆中興之祚臣輒聽行盡力奉宣詔書思惟惠
利增異復上臣毅誠惶誠恐頓首頓首死罪死罪上尚書掾臣條

屬臣淮書佐臣謀弘農太守上祠西嶽乞縣賦發差復率下十里

已內民租田口筭狀謀釋二案開入年準衛敬

漢金城太守殷華碑

君諱華字叔時上碭定陽人大匠君之子也其先出自有殷因國定氏不改其號聖哲玄流至君而懿幼膺瓊蘭之美長有冲邈之志敦詩閱禮韜韜竹貴誕循前業守已恪恭仕歷州郡忠諤有聞其大操也耽耽虎視龍變不羈故能雄傑于并域聲班于上京察何孝廉貞除郎中左馮翊丞協宣文物公事知州譽茂才宛丘令崇行寬猛示之禮禁寢延庠校政已惠和三載陟隕邪臨金城郡鄣羌虜避難遷移役兼民匱室如懸罄乃敷權略獎厲信獫狁率服不敢窺踰兵戢而時動因省獵已習義興利弭患順其所樂開通狹道造作傳館吏士咸悅不勞而勸是已搢紳之徒譚講雅誦釋軍旅之犀革陳俎豆于泮宮其艾擔輪旌顯才良咨量三壽賞

刑不僭邦場。盜靜歲時豐。登耆叟擊壤。重卮謳謔。功庸顯列。當升
寵祚。旻不耆德。景命失靈。呂光和元年九月乙酉卒。官生有嘉休
終。則鼎銘。于是故吏邊竺江英韓遂等。追送遐三。刊石勒勛。其辭
曰。

於惟明后。懋德握醇。昆台之耀。秀出不羣。文昭有毅。武烈能仁。含
舒憲墨。呂育生民。乘紀東壤。西國著勛。身沒名流。載世常存。古之
遺老。非此孰云。于爾臣恩。續其具芬。古文苑曰此碑屬關炎注云
一作衛觀章樵云作衛觀是

案鄒元呂嘉平六年死
碑言光和元年乃次詳也

大饗碑

惟延康元年八月旬有八日辛未。魏王龍興踐阼。規恢鴻業。構亮
皇基。萬邦統世。忿吳夷之凶暴。滅蜀虜之僭逆。於赫斯怒。順天致
罰。奮虓虜之校。簡猛銳之卒。爰整六軍。率匈奴暨單于。烏桓鮮卑
引弓之類。持戟百萬。控弦千隊。玄甲耀野。華旗蔽日。天動雷震。星

流電發戎備素辨役不更藉農夫安疇商不變肆是曰土有拊諫
之譏民懷惠康之德皇恩所漸無遠不至武師所加無彊不服故
寬令西飛則蜀將東馳六旆南徂則吳黨委質二虜震驚魚爛階
潰將汜自三江之流方軌叩來之阪斬吳夷呂染鉞血蜀虜呂蒙
鼓曜天威于遐裔復九圻之彌寓除生民之焚孽去聖皇之宿憤
次于舊邑觀釁而動築壇壝之宮置表著之位大饗六軍爰及譙
縣父老男女臨饗之日陳兵清涂慶雲垂覆乃備俾禦整法駕設
天宮之列衛乘金華之鸞路達升龍于大常張天狼之威弧千乘
風舉萬騎龍驤威靈之飾震耀康衢既登高壇蔭九垓之華蓋處
流蘇之幄坐陳旅酬之高會行無算之酣飲旨酒波流肴烝陵積
管師設縣金奏讚樂六變既畢乃陳祕戲巴俞丸劍奇舞麗倒衝
夾踰鋒上索踰高舩鼎緣撞舞輪撻鏡騁徇逐兔戲馬立騎之妙
技白虎青鹿辟非辟邪魚龍靈龜國鎮之怪獸環變屈出異巧神

化自卿校將守已下。下及陪臺隸國。莫不歆淫宴喜。咸懷醉飽。雖夏故均臺之饗。周成岐陽之饗。高祖邑中之會。光武舊里之宴。何已。尚茲是已。刊石立銘。光示來葉。其辭曰。

赫王師征南裔。奮靈威震天外。吳夷讐蜀虜。竄區夏。清八荒。艾幸

舊艷。設高會。皇德洽。洪恩邁。刊金石。光萬世。隸釋十九。案間人

大饗碑。衛觀文。並書天下。碑錄。引國經云。曹子建文。鍾繇書。疑國經之言。非也。隸釋。又云。有大饗殘碑云。繇文。爲書。則大饗非一碑。

當曰碑陰。爲實。

聞人牟準附

牟準。爵里未詳。案牟準不見于傳記。據碑陰言。故吏門主。則去

甚多。皆曰失墜。及衛觀。仕漢人。魏卒于明帝時。子衛瓘。仕魏。入晉。至惠帝永平初。家世恒赫。何至失墜。此必賈后矯詔殺害後

之言也。牟準非魏人。亦非晉武時人。始附此。俟茲。

魏敬侯衛觀碑陰文

敬侯所葬之先域。城惟解梁。地卽邠首山對。靈足谷當倚口。勢高

而趣幽形垣而背阜鑿室而可已蔽藏不墳而所冀速朽珍琦素
白而靡尚衣服隨時而則有故吏述德于隧前門生紀言于碑後
白季居亭而已治詹嘉在主而可友處高攄之厚地將秭億而永
久所著述注解故訓及文筆等甚多皆已失墜所著孝經固而倉
頡冢碑大篆書在左馮翊利陽亭南道旁及華山下亭碑增算狀
殷叔時碑魏大饗碑羣臣上尊號奏及受禪石表文竝在許繁昌
尊號奏鍾元常書受禪表覬竝金針八分書也太祖文帝等臨詔
令雜駁議上封事一百餘條誠子等散在人閒及碑石可見樹碑
人郡國縣道姓名具如于後

古文苑

賜進士出身二品銜廣東等處提刑按察使司按察使兼管驛傳諸務黃岡王毓藻校刊

全三國文卷二十八終

全三國文卷二十九

烏程嚴可均校輯

魏二十九

鮑勛

勛字叔業，泰山平陽人。濟北相鮑信子。曹公辟丞相掾，後爲太子中庶子，徙黃門侍郎，出爲魏郡西部都尉。呂忤太子免，後拜侍御史。文帝卽王位，呂駙馬都尉兼侍中，黃初中，拜右中郎將。遷御史中丞，復忤旨，左遷治書執法，尋被誅。

諫文帝游獵疏

臣聞五帝三王，靡不明本立教，曰孝治天下，陛下仁聖惻隱，有同古烈，臣冀當繼蹤萬代，令萬世可則也。如何在諒闇之中，修馳騁之事乎？臣冒死以聞，陛下祭焉。魏志鮑勛傳

田瓊

瓊鄭康成弟子建安黃初闕爲博士

四孤議

或有爲四孤論者曰遇兵饑饉有賣子者有棄溝壑者有生而父母亡無總親其死必也有俗人五月生子妨忌之不舉者有家無兒收養教訓成人或語汝非此家兒禮異姓不爲後于是便欲還本姓爲可然不博士田瓊議曰雖異姓不相爲後禮也家語曰絕嗣而後他人于理爲非今此四孤非故廢其家祀既是必死之人他人收己養活且衰嫗長養于衰便稱曰衰姓無常也其家若絕嗣可四時祀之于門戶外有子可己爲後所謂神不歆非類也

通典

九十六
荅劉德問 六首

劉德問曰君弔大夫迎于門外又拜送于門外大夫弔不迎于門外今時縣令長來弔主人待之當依國君來弔禮歟依大夫來弔

也。又當去杖。其至皆如故。無可捨邪。又今時丞尉來弔。待之當云何。田瓊荅曰。今之君與禮所云君輕重不同。若必欲依之。令長官依國君。丞尉宜依大夫。君子于禮但見去杖。戢杖其餘不見也。今于君弔。已首經貫臂。遣人則不釋之而已。通典八十三

劉德問田瓊曰。乳母總注云。養子者有他故。賤者代之。慈已。今時婢生口使爲乳母。得無甚賤。不應服也。瓊荅曰。婢生口故不服也。

通典九十二

劉德問。已爲人後者。支子可也。長子不巳爲後。同宗無支子。唯有長子。長子不後人。則大宗絕。後則違禮。如之何。田瓊荅曰。已長子後。大宗則成宗子。禮諸父無後。祭于宗家。復已其庶子。還承其父。

通典九十六

劉德問于田瓊曰。失君父終身不得者。其臣子當得婚否。瓊荅曰。昔許叔重作五經異義。已設此疑。鄭玄駁云。若終身不除。是絕祖。

嗣也除而成婚違禮適權也

通典九十八

問曰小記云朋友虞祔而已此爲主幼而爲虞祔也若都無主族神不歆非類當爲虞祔否田瓊答曰虞安神也祔曰死者祔于祖也既朋友恩舊歡愛固當安之祔之然後義備也但後日不常祭之耳

通典一百一

又問朋友無所歸于我殯若此者當迎彼還已館皆當停柩于何所荅曰朋友無所歸故呼而殯之不謂已殯迎之也于已館而殯之者殯之而已不于西階也

通典一百一

皇后降服

諸侯女嫁爲天王后降其旁親一等與出降爲二等爲外親尊不同則降天子后爲眾子無服何曰明之據大夫于庶子大功其妻亦服大功今天子諸侯于眾子無服后何緣獨服之邪

通典八十一

公子降服

公子曰厭降。公子厭于君，爲其母妻昆弟練冠麻紱，謂君所不服。子亦不敢服也。父卒，猶有先君餘尊所厭，不得過大功也。通典九十三

大夫子降服

喪服經不見大夫嫡子爲庶昆弟服者，與大夫爲庶子爲士者同。父之所降，子亦不敢不降也。通典九十三

諸侯大夫妻及大夫士女降服

大夫女嫁于諸侯，降其家旁親一等。與出嫁降并二等，爲外親尊不同。則降諸侯夫人爲眾子無服，何曰明之。據大夫于庶子大功，其妻亦服大功。今天子諸侯于眾子無服，夫人何緣獨得服之。又大夫妻爲大夫之親，亦隨大夫而降一等。大夫之女嫁于大夫，還爲其族親，尊不同者亦降之。唯父母昆弟爲父後者，宗子亦不降也。士之女嫁于大夫者，亦降其族親，不同尊者如大夫也。又大夫之妻爲庶子女子，在室大功，女適于士小功，此爲大夫之妻尊與

大夫同大夫爲伯叔父母子昆弟昆弟爲士者曰尊降一等爲之

大功其妻亦服大功

通典九十三

貴不降服

大夫之妻爲長子三年女子子嫁大夫大功

通典九十三

于達叔

達叔爲軍謀史

四孤議

此四孤者非其父母不生非遇公嫗不濟既生既育由于二家棄生背恩實未之可子者父母之遺體乳哺成人公嫗之厚恩也棄絕天性之道而戴他族不爲逆乎鄭伯惡姜氏誓而絕之君子已爲不孝及其復爲母子傳曰爲善今空爲子竭其筋力服于公嫗育養之澤若終爲報父在爲母之服別立宮宇而祭之畢已之年也詩云父兮生我母兮鞠我今四子服報如母不亦宜乎愛敬哀

歐報惠備矣通典六十九

辭夏

夏字宣聲天水人曹公召爲軍謀掾黃初中爲祕書丞

報蘭室

蘭臺爲外臺祕書爲內閣臺閣一也何不相移之有魏志王肅傳注引魏略

劉若

若獻帝末官輔國將軍封清苑鄉侯

上書請受禪

伏讀令書深執克讓聖意懇惻至誠外阻臣等有所不安何者后戶北人匹夫狂狷行不合義事不經見者是已史遷謂之不然誠非聖明所當希慕且有虞不逆放勳之禪夏禹亦無辭位之語故傳曰舜陟帝位若固有之斯誠聖人知天命不可逆厥數弗可辭也伏惟陛下應乾符運至德發聞升昭于天是已三靈降瑞人神

已和休徵雜沓萬國響應雖欲勿用將焉避之而固執謙虛違天
逆眾慕匹夫之微分背上聖之所蹈違經識之明文信百氏之穿
鑿非所已奉答天命光慰眾望也臣等昧死已請輒整頓壇場至
吉日受命如前奏分別寫令宣下

魏志文帝紀
注引獻帝傳

奏請受禪

臣聞符命不虛見眾心不可違故孔子曰周公其爲不聖乎已天
下讓是天地日月輕去萬物也是已舜嚮天下不拜而受命今火
德氣盡炎上數終帝遷明德祚隆大魏符瑞昭哲受命既固光天
之下神人同應雖有虞儀鳳成周躍魚方今之事未足已喻而陛
下違天命已飾小行逆人心已守私志上忤皇穹眷命之旨中忘
聖人達節之數下孤人臣翹首之望非所已揚聖道之高衢乘無
窮之懿勳也臣等聞事君有獻可替否之道奉上有逆鱗固爭之
義臣等敢已死請

魏志文帝紀
注引獻帝傳

蘇林

林字孝友，陳畱人，爲五官將文學，黃初中，爲博士給事中，已老致仕，加散騎常侍，年八十餘卒。

勸進表

天有十二次，曰爲分野，王公之國各有所屬，周在鶉火，魏在大梁，歲星行歷，凡十二次，所在國天子受命，諸侯曰封，周文王始受命，歲星在鶉火，至武王伐紂十三年，歲星復在鶉火，故春秋傳曰：武王伐紂，歲在鶉火。又曰：歲之所在，卽我有周之分野也。昔光武七年，歲在大梁，武王始受命，爲將討黃巾，是歲改元爲中平元年，建安元年，歲復在大梁，始拜大將軍，十三年復在大梁，始拜丞相，今二十五年，歲復在大梁，陛下受命，此魏得歲與周文王受命相應。今年青龍在庚子，詩：惟度災曰：庚者更也，子者滋也，聖人制法，天下治，又曰：王者布德于子，治成于丑，此言今年天更命聖人制治。

天下布德于民也。魏呂改制天下，與時協矣。顓頊受命，歲在豕韋，衛居其地，亦在豕韋。故春秋傳曰：衛顓頊之墟也。今十月斗之所建，則顓頊受命之分也。魏呂十月受禪，此同符始祖受命之驗也。魏之氏族出自顓頊，與舜同祖，見于春秋世家。舜呂土德承堯之火，今魏亦呂土德承漢之火，其于行運，合于堯舜受命之次。臣聞天之去就，固有常分。聖人當之，昭然不疑。故堯捐骨肉而禪有虞，終無恹色。舜發壠畝而君天下，若固有之，其相授受閒，不稽漏刻。天下已傳矣，所呂急天命，明天下，不可一日無君也。今漢期運已終，妖異絕之已審。陛下受天之命，符瑞告徵，丁寧詳悉，反覆備至。雖言語相喻，無呂代此。今既發詔書，璽綬未御，固執謙讓，上逆天命，下違民望。臣謹案古之典籍，參呂圖緯，魏之行運，及天道所在，卽尊之驗。在于今年此月，昭晰分明。唯陛下遷思易慮，呂時卽位，顯告上帝，布詔天下，然後改正朔，易服色，正大號，天下幸甚。

魏志文帝

紀注引歐帝傳蘇林董巴
上表又見宋書符瑞志上

皇后崩稱大行議

皇后皆有諡未葬宜稱大行臣曰爲古禮無稱大行之文案漢天子稱行在所言不常居崩曰大行者不返之稱也未葬未有諡不言大行則嫌與嗣天子同號至于后崩未葬禮未立后宜無所嫌故漢氏諸后不稱大行謂未葬宜直稱皇后

董巴

通典七十九

巴建安黃初間爲博士有大漢輿服志一卷

麻議

聖人迹太陽于晷景效太陰于弦望明五星于見伏正是非于晦朔弦望伏見者麻數之綱紀檢驗之明著也

晉書律麻志中

昔伏羲始造八卦作三畫呂象二十四氣黃帝因之初作調麻歷代十一更年五千凡有七麻顛項呂今之孟春正月爲元其時正

月朔旦立春五星會于天庥營室也冰凍始泮蟄蟲始發雞始三
號天曰作時地曰作昌人曰作樂鳥獸萬物莫不應和故顓頊聖
人爲庥室也湯作殷庥弗復已正月朔旦立春爲節也更曰十一
月朔旦冬至爲元首下至周魯及漢案當有闕節御覽十六引此
云武王作周庥周公作魯庥
皆從其節據正四時夏爲得天曰承堯舜從顓頊故也禮記大戴
曰虞夏之庥建正于孟春此之謂也晉書律
庥志中

崔林

林字德儒清河東武城人中尉琰從弟建安中爲郟長擢冀州
主簿徙署別駕丞相掾屬遷御史中丞魏受禪拜尚書出爲幽
州刺史左遷河間太守進大鴻臚明帝卽位賜爵關內侯轉光
祿勳司隸校尉景初中代衛臻爲司空封安陽亭侯進封鄉侯
正始五年卒諡曰孝侯

攷課議

案周官攷課其文備矣。自康王曰下，遂曰陵遲，此卽攷課之法存乎其人也。及漢之季，其失豈在乎佐吏之職不密哉？方今軍旅或猥或卒，備之曰科條，申之曰內外，增減無常，固難一矣。且萬目不張，舉其綱，眾毛不整，振其領，臬陶仕虞，伊尹臣殷，不仁者遠。五帝三王未必如一，而各曰治亂。易曰：易簡而天下之理得矣。太祖隨宜設辟，曰：遺來今不患不法古也。曰：爲今之制度不爲疏闊，惟在守一勿失而已。若朝臣能任仲山甫之重，式是百辟，則孰敢不肅。

魏志崔
林傳

議宗聖侯祀孔子不須命祀

宗聖侯亦曰王命祀，不爲未有命也。周武王封黃帝堯舜之後，及立三恪，禹湯之世不列于時，復特命他官祭也。今周公已上達于三皇，忽焉不祀，而其禮經亦存其言。今獨祀孔子者，曰世近故也。曰大夫之後特受無疆之祀，禮過古帝，義踰湯武，可謂崇明報德。

矣無復重祀于非族也

魏志崔林傳

裴潛

潛字文行河東聞喜人避亂荊州尋參丞相軍事出歷三縣令拜代郡太守又爲沛國相遷兗州刺史文帝踐阼入爲散騎常侍歷魏郡潁川典農中郎將明帝卽位入爲尙書郎歷河南尹轉太尉軍師大司農封清陽亭侯進尙書令父憂去官拜光祿大夫正始五年卒追贈太常諡貞侯

遺令子秀儉葬

墓中惟置一坐瓦器數枚其餘一無所設

魏志裴潛傳

樓潛

潛字彥皇任城人建安中爲縣令黃初中爲中郎校明帝時出爲燕中尉辭疾不就

諫立郭后疏

在昔帝王之治天下，不惟外輔，亦有內助。治亂所由，盛衰從之。故西陵配黃英娥，降嬀竝，曰賢明流芳上世，桀奔南巢，禍階妹喜，紂曰炮烙，怡悅妲己，是曰聖哲，慎立元妃，必取先代世族之家，擇其令淑，曰統六宮，虔奉宗廟，陰教聿脩，易曰家道正而天下定，由內及外，先王之令典也。春秋書宗人鬻夏云，無曰妾爲夫人之禮，齊桓誓命于葵丘，亦曰無曰妾爲妻，今後宮嬖寵，常亞乘輿，若因愛登后，使賤人暴貴，臣恐後世下陵上替，開張非度，亂自上起也。魏志文德郭皇后傳中郎棧潛上疏云云，又初學記十作裴潛攻魏志裴潛傳文帝踐阼爲敵騎常侍出爲魏郡潁川典農中郎將兩人同時爲中郎未審孰是姑從魏志

諫明帝興眾役疏 疏 疏

天生蒸民而樹之君，所曰覆燠羣生，熙育兆庶，故方制四海，匪爲天子，裂土分疆，匪爲諸侯也。始自三皇，爰暨唐虞，咸曰博濟加于天下，醇德曰洽，黎元賴之。三王旣微，降逮于漢，治日益少，喪亂弘

多自時厥後亦罔克又太祖濟哲神武芟除暴亂克復王綱已開
帝業文帝受天明命廓恢皇基踐阼七載每事未遑陛下聖德纂
承洪緒宜崇晏晏與民休息而方隅匪寧征夫遠戍有事海外縣
旌萬里六軍騷動水陸轉運百姓舍業日費千金大興殿舍功作
萬計徂來之松刊山窮谷怪石瓊瑛浮于河淮都圻之內盡爲甸
服當供橐結鉅粟之調而爲苑囿擇禽之府盛林莽之穢豐鹿兔
之藪傷害農功地繁茨棘災疫流行民物大潰上減和氣嘉禾不
植臣聞文王作豐經始勿亟百姓子來不日而成靈沼靈囿與民
共之今宮觀崇侈彫鏤極妙忘有虞之總期思殷辛之瓊室禁地
千里舉足投網麗擬阿房役百乾谿臣恐民力彫盡下不堪命也
昔秦據殺函已制六合自曰德高三皇功兼五帝欲號諡至萬葉
而二世顛覆願爲黔首由枝幹旣斃本實先拔也蓋聖王之御世
也克明俊德庸勳親親俊又在官則功業可隆親親顯用則安危

同憂深根固本竝爲幹翼雖歷盛衰內外有輔昔成王幼冲未能
蒞政周呂召畢竝在左右今旣無衛侯康叔之監分陝所任又非
巨爽東宮未建天下無副願陛下畱心關塞永保無極則海內幸

甚

魏志高
堂隆傳

諫太子田獵夜還

王公設險目固其國都城禁衛用戒不虞大雅云宗子維城無俾
城壞又曰猶之未遠是用大諫若逸于遊田晨出昏歸目一日從
禽之娛而忘無垠之釁愚竊惑之

魏志高
堂隆傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷二十九終